

**Bosna i Hercegovina**  
**DRŽAVNA REGULATORNA KOMISIJA**  
**ZA ELEKTRIČNU ENERGIJU**

Broj: 06-16-4-3-6/18

Tuzla, 23.05.2018. godine

Na osnovu člana 69. stav (2) tačka a) Zakona o javnim nabavkama („Službeni glasnik BiH“, broj: 39/14) i člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05), na prijedlog Komisije za javne nabavke, na sjednici Državne regulatorne komisije za električnu energiju, održanoj 23. maja 2018. godine, donijeta je

**ODLUKA**  
**o poništenju postupka javne nabavke računarske opreme**

1. Poništava se postupak javne nabavke računarske opreme, pokrenut Odlukom broj: 06-16-4-3-1/18 od 28. marta 2018. godine, iz razloga što do krajnjeg roka nije dostavljena niti jedna ponuda.
2. Ova Odluka će se objaviti na internet prezentaciji Državne regulatorne komisije za električnu energiju.
3. Odluka stupa na snagu danom donošenja.

**Obrazloženje:**

Postupak jave nabavke računarske opreme, pokrenut je Odlukom Državne regulatorne komisije za električnu energiju broj: 06-16-4-3-1/18 od 28. marta 2018. godine. Javna nabavka računarske opreme se provodila u postupku konkurentskog zahtjeva za dostavu ponuda, uz predviđeno zaključivanje ugovora sa ponuđačem koji u proceduri e-aukcije ponudi najnižu cijenu tehnički zadovoljavajuće ponude.

Obavještenje o nabavci je objavljeno na portalu javnih nabavki dana 17. aprila 2018. godine pod brojem: 1056-7-1-9-3-2/18, te je 14 kandidata preuzelo tendersku dokumentaciju u informacionom sistemu e-nabavke.

Tačkom 8. tenderske dokumentacije propisano je da krajnji rok za prijem ponuda na pisarnici ugovornog organa ističe 3. maja 2018. godine u 14:00 sati.

Kako do ostavljenog krajnjeg roka, ugovornom organu nije dostavljena niti jedna ponuda, Komisija za javne nabavke, formirana Odlukom broj: 06-16-4-3-1/18 od 28. marta 2018. godine, dostavila je Izvještaj o radu broj: 06-16-4-3-4/18 od 03.05.2018. godine i Zapisnik broj: 06-16-4-3-5/18 od 03.05.2018. godine kojim je predloženo poništenje ovog postupka javne nabavke.

U postupku ocjene provedenog postupka javne nabavke računarske opreme iznesenog u Izvještaju o radu i Zapisniku Komisije za javne nabavke, DERK ne nalazi razloge ili nepravilnosti u radu koji bi dali osnov za neprihvatanje prijedloga Komisije za javne nabavke.

Kako i Zakon o javnim nabavkama nalaže obavezno poništenje postupka javne nabavke u slučaju da nije dostavljena niti jedna ponuda, to je na osnovu člana 69. stav (2) tačka a) pomenutog Zakona, odlučeno kao u dispozitivu.

Pravna pouka: Protiv ove Odluke može se izjaviti žalba Ugovornom organu u roku od 5 (pet) dana.

Predsjedavajući Komisije

Nikola Pejić